



Na osnovu člana 24. Statuta JZU Doma zdravlja "Izudin Mulabećirović-Izo" Tešanj, člana 4. Pravilnika o radu (broj: 926/26), člana 4. i 8. Uredbe o postupku prijema u radni odnos u javnom sektoru u Zeničko-dobojskom kantonu (Sl. novine ZDK broj 9/23) i Odluke v.d. direktora broj 6028/23., VD Direktor Fejzić dr Mersiha, spec. pedijatar, raspisuje:

O G L A S
za prijem u radni odnos

I RADNO MJESTO

1. Doktor medicine specijalista pneumoftizilog/pulmolog..... 1 izvršilac na određeno vrijeme u trajanju 2 godine
2. Doktor medicine specijalista pedijatar 1 izvršilac na određeno vrijeme u trajanju 2 godine
3. Diplomirani edukator-rehabilitator..... 1 izvršilac na određeno vrijeme u trajanju 12 mjeseci
4. Tehnički sekretar..... 1 izvršilac na određeno vrijeme u trajanju 6 mjeseci
5. Medicinska sestra-tehničar u Službi porodične medicine..... 1 izvršilac na neodređeno vrijeme
6. Medicinska sestra-tehničar u Službi porodične medicine..... 1 izvršilac na određeno vrijeme u trajanju od 12 mjeseci
7. Medicinska sestra-tehničar u Službi porodične medicine..... 1 izvršilac na određeno vrijeme u trajanju od 6 mjeseci
8. Medicinski laborant 1 izvršilac na određeno vrijeme u trajanju od 12 mjeseci
9. Medicinski laborant 1 izvršilac na određeno vrijeme u trajanju od 6 mjeseci

II USLOVI

Kandidati trebaju da ispunjavaju sljedeće :

a.) Opšti uslovi :

Kandidat treba ispunjavati opšte uslove za obavljanje poslova i radnih zadataka kako slijedi:

- da je državljanin BiH,
- da ima opštu zdravstvenu i poslovnu sposobnost,

b.) Posebni uslovi :

Za radno mjesto pod rednim brojem 1. :

- Završen medicinski fakultet
- Položen stručni ispit u zvanju doktor medicine
- Položen specijalistički ispit iz oblasti pneumoftizilogije -pulmologije
- Posjedovanje Licence za samostalan rad u stečenom zvanju doktora spec.

Za radno mjesto pod rednim brojem 2. :

- Završen medicinski fakultet
- Položen stručni ispit u zvanju doktor medicine
- Položen specijalistički ispit iz oblasti pedijatrije
- Posjedovanje Licence za samostalan rad u stečenom zvanju doktora spec.

Za radno mjesto pod rednim brojem 3. :

- Završen edukacijsko-rehabilitacijski fakultet VSS prvi ciklus ili VŠS VI stepen
- Jedna godina radnog iskustva na poslovima u zvanju dipl edukatora-rehabilitatora a koji su isti ili slični poslovima i radnim zadacima u Domu zdravlja.

Za radno mjesto pod rednim brojem 4. :

- Završen prvi ciklus VSS društvenog smjera
- jedna godina radnog iskustva na poslovima iz djelokruga rada tehničkog sekretara, odnosno kancelarijskog poslovanja

Za radno mjesto pod rednim brojem 5.,6. i 7. :

- Završena medicinska škola opći smjer
- položen stručni ispit
- posjedovanje licence za samostalan rad u stečenom zvanju

Za radno mjesto pod rednim brojem 8. i 9. :

- Završena medicinska škola -laboratorijski smjer
- položen stručni ispit
- posjedovanje licence za samostalan rad u stečenom zvanju

III POTREBNA DOKUMENTACIJA

Uz prijavu na ovaj oglas dostaviti slijedeću dokumentaciju:

1. Diploma o stečenom obrazovanju (svi kandidati)
2. Uvjerenje o položenom specijalističkom ispitu (za radna mjesta 1. i 2.)
3. Uvjerenje o položenom stručnom ispitu (za radna mjesta 1.,2.,5.,6.,7.,8. i 9.)
4. licenca za samostalan rad (za radna mjesta 1.,2.,5.,6.,7.,8. i 9.)
5. Potvrda o radnom iskustvu (za radna mjesta 3. i 4.)
6. Izvod iz matične knjige rođenih (svi kandidati)
7. Uvjerenje o državljanstvu (svi kandidati)

Kandidati mogu dostaviti dokaz o statusu branioca ili članova njihovih porodica u smislu člana 2., 3. i 4. Zakona o dopunskim pravima branilaca i članova njihovih porodica (Sl.novine ZDK 1/14), koji je prijavljen na evidenciji Službe za zapošljavanje.

Prijava obavezno mora sadržavati sljedeće elemente: ime i prezime kandidata, adresa,telefon i e-mail adresa, radno mjesto na koje se prijavljuje kandidat, spisak dokumenata koji se prilaže uz prijavu i potpis kandidata. Sva potrebna dokumentacija dostavlja se u **originalu** ili **ovjerena kopija** (dokumenta se ne vraćaju). Kandidati koji budu izabrani, naknadno će dostaviti uvjerenje o zdravstvenoj sposobnosti.

IV KRITERIJI ZA IZBOR KANDIDATA

IV1. Postupak izbora kandidata zasniva se na razmatranju dostavljene dokumentacije i održanom pismenom i usmenom ispitu sa svakim kandidatom, za radna mjesta pod rednim brojem od 1. do 4.

Postupak izbora kandidata za radno mjesto pod rednim brojem od 5. do 9. zasniva se na intervju sa svakim kandidatom (pitanja iz općeg i stručnog znanja) .

IV2 Obavijest o terminima testiranja i intervjuja za kandidate dostaviće se putem e-maila.

V OPIS POSLOVA I OSNOVNA PLAĆA

V1 doktor medicine spec.pneumoftizilog/pulmolog

Osnovna plaća: 2700,00

Opis poslova:

- obavlja poslove u skladu sa stepenom stručne spreme i zvanja a po principima savremene pneumoftiziološke prakse u primarnoj zdravstvenoj zaštiti i konsultativno-specijalističkoj ambulanti
- vrši pregled lica upućenih na sistematski pregled, sanitarne i periodične preglede, te vrši preglede za ljekarska uvjerenja, vodi zakonom propisanu medicinsku evidenciju, obavezan je da čuva ugled Doma zdravlja i da se profesionalno ponaša na radnom mjestu, čuva profesionalnu tajnu i etički kodeks struke, poštuje sva prava pacijenata – građana i saraduje sa svim članovima tima, stalno unapređujući kvalitet zdravstvene usluge, vrši poslove iz oblasti uspostavljanja standarda sigurnosti i kvaliteta, dostavlja izvod iz medicinske dokumentacije po nalogu neposrednog rukovodioca i dr.

V2 doktor medicine spec.pedijatar

Osnovna plaća: 2700,00

Opis poslova:

- obavlja stručne poslove u skladu sa stepenom stručne spreme i zvanja po principima moderne pedijatrijske prakse, obavlja preventivnu i kurativnu zaštitu djece od 0 do 6 godina, obavlja kontinuiranu imunizaciju, obavlja konsultativne i konzilijarne preglede po potrebi, vodi zakonom propisanu medicinsku evidenciju, obavezan je da čuva ugled Doma zdravlja i da se profesionalno ponaša na radnom mjestu, provodi timske postupke iz područja prevencije bolesti i promocije zdravlja, liječenja i rehabilitacije, vrši poslove iz oblasti uspostavljanja standarda sigurnosti i kvaliteta, dostavlja izvod iz medicinske dokumentacije po nalogu neposrednog rukovodioca i dr.

V3 diplomirani edukator-rehabilitator

Osnovna plaća: 1440,00KM

Kratak opis poslova:

Vrši prevenciju, rano otkrivanje i evidentiranje, dijagnostiku i tretman djece s intelektualnim teškoćama, motoričkim poremećajima i hroničnim bolestima i oštećenjem vida, primjenjuje vještine u smislu aplikacije stečenih saznanja u unapređenju svih područja razvoja djece s intelektualnim teškoćama, motoričkim poremećajima i hroničnim bolestima i oštećenjem vida; Planira i provodi specijalizirane edukacijsko-rehabilitacijske programe psihomotorne reedukacije sa djecom sa višestrukim smetnjama, poremećajima iz autističkog spektra i poremećajima verbalne i neverbalne komunikacije; Analizira društveni položaj i ostvarivanje prava djece s intelektualnim teškoćama, motoričkim poremećajima i hroničnim bolestima i oštećenjem vida; Provodi primjenu adaptiranih rehabilitacijskih tehnologija u edukaciji i rehabilitaciji; Vrši obuku o načinu korištenja specijalnih pomagala; Obavlja i druge poslove koji po prirodi spadaju u ovu grupu poslova;

V4 Tehnički sekretar

Osnovna plaća: 1440,00KM

Kratak opis poslova:

Priprema i pisanje projektnih prijedloga za domaće i međunarodne donatorske organizacije i institucije, Učestvuje u pripremi i pisanju periodičnih izvještaja o radu Ustanove, Pisanje zvaničnih saopćenja za javnost i redovno ažuriranje službene web stranice, Vođenje zapisnika na svim sastancima uprave, stručnim sastancima i drugim sastancima, primanje stranaka koje se obraćaju direktoru, vođenje protokola o prijemu eksterne pošte i internih dostavnih knjiga, Slanje i prijem pošte i druge poslove iz oblasti kancelarijskog poslovanja

V5., 6., i 7. medicinska sestra-tehničar u Službi porodične medicine

Osnovna plaća: 1170,00KM

Kratak opis poslova:

Vrši prijem pacijenata i pregled ispravnosti zdravstvene knjižice, poslove trijaže, odgovara na telefonske pozive – uređuje termine zakazivanja (daje savjete),uzima sestrinsku anamnezu i evidentira tegobe, evidentirajući sve informacije u karton pacijenta, radi EKG, labo nalaze, kao i druge nalaze prema mogućnosti, vrši neposrednu primjenu ampuliranih lijekova, vrši stručnu primarnu i sekundarnu obradu rana, ispiranje ušiju, klistiranje i kateteriziranje, i dr iz nadležnosti porodične sestre.

V8. i 9. medicinski laborant

Osnovna plaća: 1170,00KM

Kratak opis poslova:

Obavlja stručne poslove u skladu sa stepenom stručne spreme i zvanja po principima moderne medicinske biohemijske djelatnosti, uzima biološki materijal na radnom mjestu i u stanu pacijenta svih populacija, vrši obradu biološkog materijala, vrši hematološke analize, pravi reagense za analize koje radi u saradnji sa specijalistom medicinske biohemije, formira nalaz, vodi zakonom propisanu medicinsku evidenciju, obavlja i druge poslove iz domena stručne spreme.

VI POSTUPAK PRIJAVLJIVANJA

Prijave na Oglas sa dokazima o ispunjavanju uslova dostaviti u koverti sa naznakom “Prijava na Javni oglas za radno mjesto (navesti koje) – ne otvaraj – otvara Komisija” na adresu: JZU “DOM ZDRAVLJA” Izudin Mulabećirović-Izo“ Tešanj, ul. Braće Pobrić 17, 74260 Tešanj, i treba da je uredna, potpuna i blagovremena.

Urednom prijavom na javni oglas smatra se prijava koja je potpisana od strane podnosioca i sadrži sve obavezne elemente utvrđene ovim oglasom.

Potpunom prijavom smatra se prijava uz koju su dostavljeni svi dokazi o ispunjavanju općih i posebnih uslova naznačenih u javnom oglasu.

Blagovremenom prijavom smatra se prijava koja je podnesena u roku od 8 dana od dana zadnjeg objavljivanja oglasa.

Prijave se dostavljaju u roku od 8 (osam) dana od dana posljednjeg objavljivanja.

Javni oglas biće objavljen u Dnevnom listu „Oslobođenje“, na web stranici JZU Doma zdravlja Tešanj, web stranici Općine Tešanj i web stranici Službe za zapošljavanje ZDK Zenica.

Kontakt telefon za dodatne informacije: 032/650-677, kontakt osoba: Fetić Zlata

VD D I R E K T O R

Fejzić dr Mersiha
spec.pedijatar

